

Yantot de la Castagnère à la hère*

Lhebat à l'esguït dou die, qu'èy prèst à parti.

Que ba ta la borde cerca-s lou betèth, que l'a labat, estrilhat, broussat. Qu'a lou coé lusén, lou mus umide... qu'èy hèyt enta espia ! Estacat dap ûe beroye corde, que seguèch lou noustè Yantot e que seran de dore au marcat – n'èy pas loégn lou Marcadiu de Nay – e la bèstie abituade à couërre e à pinna déns lou prat nou-s hè pas estira. Lou matî qu'èy càlme. Nou y a pas encoère trop de mounde e Yantot que-s en ba hica lou betèth à l'estacadé, yustè daban lou Cabarét. Aquiu que-s yunten lous dou soum de Nay, de las Labassères, Brùdyes, Assoû permou que lou mèste deu Cabarét qu'èy badut per aquèth parsâ. D'aquiu enla que bedera lou betèth, que-s escalourira dap lou cafè qui n'a pas prèst lou téms de bébè à case e, tabé, de tourna trouba counéchènces qui ne ban pas tarda d'arriba ; qu'èy die de hère...

- Adiu Yantot, quin te ba ? ci-u dits lou Pèy d'Esquilhouta, que y a bèth téms que nou t'èy bist ! Qu'ès bachat à pè ? You qu'èy prèst l'autocar « La Coucure. » Qu'èy plâ aysit ; tè, sàbes, que-m hèy bièlh.
- Tè, Momo, porte-ns û pintoû deu blanc e dus béyres.

Lous dus amics que tringuen, qu'an de que counta-s : la guèrre, lou tribalh, las istoères deu bilàdyè, la politique... De batala que da sét ; que tournen bébè e que coupèn la crouste ; pâ, paté, pus, roumàdyè. Dehore que y a maquignoûs qui biren autour dou betèth de Yantot, que toquen lous curroûs, las coèches. Cadû que bouleré esta lou purmè à poudé marcadeya lou betèth e ha lou boû aha... més nat mèstè au coustat ! Tan pis, que tournaran drin méy tar.

Au cap d'û téms, Yantot que coumence d'esta drin rouy, l'oèlh esberit, que cante... Disna, youga à las cartes, tout aquero qu'aucupe lou brèspè. De la hére, arré nou-n a bist. Toutû que y abè mounde per lou marcadiu : oéyt cafès sus la place enta bébè e ta minya, touts qu'abèn tribalh. Daban la maysoû coumune que y abè taulès de tout escantilh : mercerie, marchans de tistèths, d'esclops, de souliès, de bachère, paraplouyàyres, marchans de harde, drapiès ! Las paysanes que benèn oéus, lapîs, pourèts ou guits... cerises ou pomes à la sasoû. Debath la hale, las legumàyres, lous marchans de frute. Las arcadères que croumpaben lous oéus, e tourna-us béne autalèu. Tout aco que hasè ûe mesclagne de coulous, d'aulous e de tapàdyè qui daben bite à la bile de Nay. Que miaben tabé mounède permou que cade benedou que pagabe lou « plaçàdyè. »

De tout aco Yantot nou-n sabou arré : que-s ère drin adroumit, qu'abè tournat pinta, canta... Per la fi que-s lhebè coum poudou e que-s en tourna ta case.

La hémne que-s ère coutchade e nou digou arré. Que l'entenè à-s trebuca pertout, arrougagna ... n'ère pas lou moumén de demanda noubèles. Noustè Yantot que-s hiquè au lhéyt e qu'arroùngle dinque-u matî. La hémne, lhebade, qu'abè hèyt lou cafè. Quoan arriba, esgarrissat, pas labat e lou ca entoupiat.

- *E down, e l'as plâ benut lou betèth ?*
- *Quin betèth ?*
- *Lou qui as miat au marcat.*

Lou noustè Yantot, d'û saut, que parti ta la borde... Nat betèth à la minyadère ! Tout bìstè, tout capot, qu'anè demanda au yèndre de l'ana mia à Nay...

Be y a dounc û Boun Diu entaus briacs : lou betèth qu'ère toustém à l'estacadé, daban lou Cabarét. N'abè pas bebut, ni minyat, qu'abè dechat las traces deu noû l'abè panat s'ou passàdyè. Qu'abè dilhèu bruglat drin, més arrés nou l'abè panat !

De segu, Tantot que l'amia ta la quinzène au marcat gros. Més n'anè pas bébè û cop que quoan esté benut lou betèth !

Yanéte deu Mouli

*Texte primé aux Jeux Floraux de l'Institut Béarnais et Gascon